

სსიპ

საქართველოს ტექნიკური

უნივერსიტეტი

ბ რ ძ ა ნ ე ბ ა

18.05.2016. №71

თბილისი

ბაკალავრიატის წარჩინებულ სტუდენტთათვის

სახელმწიფო სტიპენდიის დანიშვნის წესის

განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის, საქართველოს განათლებისა და მეცნიერების მინისტრის „სახელმწიფო სტიპენდიები სტუდენტებს“ პროგრამის დამტკიცების შესახებ“ 2016 წლის 20 აპრილის №327 ბრძანების საფუძველზე და სტუ-ს აკადემიური საბჭოს 2016 წლის 16 მაისის №1988 დადგენილების შესაბამისად სტუ-ს ბაკალავრიატის სტუდენტთათვის აღნიშნული სტიპენდიის დანიშვნის წესის განსაზღვრის მიზნით

### ვ ბ რ ძ ა ნ ე ბ ა :

1. სტუ-ს ბაკალავრიატის სწავლების I, II, III და IV წლის საუკეთესო რეიტინგის მქონე სტუდენტებს ამ ბრძანებით გათვალისწინებული წესის შესაბამისად დაენიშნოთ 150-ლარიანი სახელმწიფო სტიპენდია 2016 წლის პირველი მარტიდან 2016 წლის პირველ აგვისტომდე 5 კალენდარული თვის განმავლობაში;
2. სახელმწიფო სტიპენდიანტების შერჩევა მოხდეს წინამდებარე ბრძანებით განსაზღვრული წესის შესაბამისად, ფაკულტეტის დეკანების და დეკანის მოვალეობის შემსრულებლების ბრძანებით შექმნილი საკონკურსო კომისიების მიერ;
3. საქართველოს ტექნიკური უნივერსიტეტის ბაკალავრიატის სწავლების I, II, III და IV წლის სტუდენტებს, რომლებსაც 2015-2016 სასწავლო წლის ზამთრის სესიების შედეგების მიხედვით (სტუ-ს რექტორის 2015 წლის 07 სექტემბრის N 165 ბრძანებით განსაზღვრულ საგამოცდო სასესიო ვადებში – 2015 წლის 01 თებერვლიდან 16 თებერვლის ჩათვლით) აქვთ მაღალი რეიტინგი, არანაკლებ 91%-ისა, შეიძლება დაენიშნოთ სახელმწიფო სტიპენდია;
4. სახელმწიფო სტიპენდიანტთა შერჩევისას ფაკულტეტისათვის განსაზღვრული კვოტის ფარგლებში, თანაბარი რეიტინგის დროს, გათვალისწინებული უნდა იყოს სტუდენტის მონაწილეობა კონფერენციებში და სხვა. ასეთ შემთხვევაში გადაწყვეტილებას იღებს ფაკულტეტის საკონკურსო კომისია;
5. თუ რომელიმე ფაკულტეტზე ამ ბრძანებით გათვალისწინებული კრიტერიუმების დაუკმაყოფილებლობის გამო გაუნაწილებელი დარჩა სტიპენდიები, ისინი გადაეცემა საკმარისი რეიტინგის მქონე სხვა ფაკულტეტის სტუდენტებს;
6. ამ ბრძანების შესაბამისად სტიპენდიანტთა რაოდენობის განსაზღვრა მოხდეს ფაკულტეტებზე ბაკალავრიატის სტუდენტთა კონტინგენტის პროცენტული წილის შესაბამისად, სტუ-ს ბაკალავრიატის სტუდენტთა ჯამური რაოდენობიდან;

- სამშენებლო ფაკულტეტი – 75 სტუდენტი;
- ენერგეტიკისა და ტელეკომუნიკაციის ფაკულტეტი – 87 სტუდენტი;
- სამთო-გეოლოგიური ფაკულტეტი – 32 სტუდენტი;
- ქიმიური ტექნოლოგიისა და მეტალურგიის ფაკულტეტი – 41 სტუდენტი;
- სატრანსპორტო და მანქანათმშენებლობის ფაკულტეტი – 75 სტუდენტი;
- არქიტექტურის, ურბანისტიკისა და დიზაინის ფაკულტეტი – 28 სტუდენტი;
- ბიზნეს ინჟინერინგის ფაკულტეტი – 152 სტუდენტი;
- ინფორმატიკისა და მართვის სისტემების ფაკულტეტი – 124 სტუდენტი;
- დიზაინის საერთაშორისო სკოლა - 2 სტუდენტი
- აგრარული ტექნოლოგიების და ბიოსისტემების ინჟინერინგის ფაკულტეტი - 39 სტუდენტი.

7. სტიპენდიანტთა შერჩევის შედეგები გამოიკრას შესაბამის ფაკულტეტებზე თვალსაჩინო ადგილას და განთავსდეს სტუ-ს ოფიციალურ ვებგვერდზე;
8. ფაკულტეტების საკონკურსო კომისიების წარდგინების საფუძველზე მომზადდება და გამოიცემა რექტორის ბრძანება სახელმწიფო სტიპენდიების დანიშვნის თაობაზე;
9. ბრძანება გამოიკრას უნივერსიტეტის ადმინისტრაციულ კორპუსში და ფაკულტეტებზე თვალსაჩინო ადგილას და განთავსდეს სტუ-ს ოფიციალურ ვებგვერდზე;
10. ბრძანებაზე კონტროლი დაევალოს სწავლების დეპარტამენტის უფროსს ი.ლომიძეს

რექტორი

ვიზები:

ვიცე რექტორი

ლ.კლიმაშვილი

ა. ფრანგიშვილი

ადმინისტრაციის ხელმძღვანელი

ქ. ქოქრაშვილი

სწავლების დეპარტამენტის

უფროსი ი. ლომიძე

იურიდიული დეპარტამენტის

უფროსი ბ. მასურაძე

2015-2016 სასწავლო წლის მარტის, აპრილის, მაისის, ივნისისა და ივლისის თვეებში სტუ-ს ბაკალავრიატის წარჩინებული სტუდენტებისათვის სახელმწიფო სტიპენდიანტთა შერჩევის წესი

1. საქართველოს განათლებისა და მეცნიერების მინისტრის 2016 წლის 20 აპრილის N327 ბრძანებით სტუ-ს ბაკალავრიატის წარჩინებულ სტუდენტებისათვის 2016 წლის მარტის, აპრილის, მაისის, ივნისისა და ივლისის თვეებისათვის გამოყოფილი სახელმწიფო 655 სტიპენდია განაწილდეს ფაკულტეტებზე ბაკალავრიატის სტუდენტთა კონტინგენტის პროცენტული წილის პროპორციულად, სტუ-ს ბაკალავრიატის სტუდენტთა ჯამური რაოდენობიდან;
2. სახელმწიფო სტიპენდია დაინიშნოს 2015-2016 სასწავლო წლის ზამთრის სესიების შედეგების მიხედვით;
3. ფაკულტეტებზე, დეკანის და დეკანის მოვალეობის შემსრულებლის ბრძანებით შეიქმნას საკონკურსო კომისია სახელმწიფო სტიპენდიანტთა შერჩევის კრიტერიუმების შესამუშავებლად და სახელმწიფო სტიპენდიანტთა შესარჩევად, რომლებიც იხელმძღვანელებს შემდეგთ:
  - სახელმწიფო სტიპენდია დაინიშნება ერთიანი ეროვნული გამოცდების შედეგად ჩარიცხულ ბაკალავრიატის სწავლების I, II, III და IV წლის, იმ წარჩინებულ სტუდენტებს, რომელთა აკადემიური მოსწრება შეადგენს 91% და მეტს;
  - სახელმწიფო სტიპენდიის დანიშვნისას ფაკულტეტებისათვის განსაზღვრული კვოტის ფარგლებში თანაბარი აკადემიური მოსწრების შემთხვევაში, გათვალისწინებული უნდა იყოს სტუდენტის მონაწილეობა სტუდენტურ კონფერენციებში და სხვა აქტივობები; ასეთ შემთხვევებში საბოლოო გადაწყვეტილებას იღებს ფაკულტეტის საკონკურსო კომისია;
4. რომელიმე ფაკულტეტზე, ამ წესის მე-3 პუნქტში მითითებული აკადემიური მოსწრების მქონე სტუდენტების არასაკმარისი რაოდენობის შემთხვევაში, გაუნაწილებელი სტიპენდიები პროპორციულად გადანაწილდეს იმ ფაკულტეტებზე, სადაც სწავლობენ მათთვის დადგენილ კვოტებზე მეტი რაოდენობის საკმარისი აკადემიური მოსწრების მქონე სტუდენტები.
5. ფაკულტეტის საკონკურსო კომისიების წარდგინების საფუძველზე გამოიცეს რექტორის ბრძანება სახელმწიფო სტიპენდიების დანიშვნის თაობაზე.